

Имде лий



1933 ий 1 февраль годсек лектеш.

0+

Ўярня шошо толмым шижтара



«Ўярня йор-йор, мелна чыж-чыж, йылме йыр-йыр, йолет лып-лып», – тыге ойленит кугезе коча-кована-влак. Ты калыкму тышто пайремын ойыртемеже тўрысек ончыкталтеш. Ўярня телым ужата да шошо толмым шижтара. Тудо пўртўсышкў вашталтышым пурта, ончыкылыклан волгыдо ўшаным пуа. Ты пайремын озаже – мелна. Тутло пуш дене родо, йолташ, пошкудо-шамычым уналыкеш ўжеш. Вара, рўж погынен, изижат-кугужат ўярнявара дене мунчалташ вашкат. Йолет гына чытыже. Тыге лийын ожно. Кызыт ты йўлам арален кодаш да жаплаш манын, самырык тукымым ушен, Ўярням рўж эртарат. Йоча-влак марий калык модышла дене палыме лийыт. Курык гыч мунчалтат. Ўян мелнам арня мучко тамлат.

Е.ИВАНОВА.

Ксения БОГДАНОВА, Александра АНТОНОВА, Настя КУДРЯВЦЕВА (Оршанке, Кугунур).



Ўярня арня 28 февраль гыч 6 март марте шуйна.

Марк ПАВЛОВ (Параньга, Усола).



Ўярня арнян леведыш тўрыштў ийсўс шуко кеча гын, шурно сайын шочеш.

Ўярнялан кылмыкта гын, кекеж леве лиеш.

Виктория ПЕТРОВА (Морко, Унчо).

Фото-влакым школ архивла гыч налме.

Москошко «унала»



Фотом гимназийын архивше гыч налме.

Ме Шочмо йылмын тўнямбал кечыжлан пӧлеклалтше «Марий Эл – Моско» телемостым эртаренна. Москосо 1273-шо номеран школын 9-ше классыштыже тунемше-влак дене кылым ыштенна. Национальный сымыктыш гимназийын 8-9-ше класслаштыже шинчымашым погышо

ўдыр-рвезе-шамыч (снимкыште) марий йылме, тўвыра дене палдареныт. Почеламутым лудыныт, кўсле, ковыж дене шоктеныт, марий мурым йонгалтареныт. Москосо икшыве-влак мыланна руш йылмын ямже нерген каласкаленыт.

Э.ПЕТРОВА.

Йошкар-Ола.

Элым аралыше лўмеш

Йывансола школын дошкольный группыштыжо Шочмо элым аралышын кечыжлан пӧлеклалтше «Дошкольники в строю» пайрем эртаралтын. Йоча-влак почеламутым сылнын лудыныт, мурым муреныт. Кок тўшкалан шелалтын, тўрлӧ конкурсышто мастарлыкыштым ончыктеныт. Пайрем «Россия» куштымаш дене мучашлалтын.

Л.ПОЛИКАРПОВА.

Кужэгер район.

Тўналтыш уло

Тўналтыш класслаште тунемше-влак (снимкыште) Шанче фестивальш ушненыт. 33 йоча шымлымаш да проект пашаж дене палдарен. Мария Самаева урын койышыжым шымлен. Александра Докшина вўдчача, Наталья Кулецакая кит нерген пален налыныт. Пелагея Корнева ден Алек-

сандр Винокуров ешыштым шымленыт. Йылмын поянлыкшышым Таисия Яндулецкая ден Егор Байбаев эскереныт. Егор Актанаев футбол дене кылдалтше пашам возен. Нине йоча-влакын шымлымашышт поснак ойыртемалтыныт.

Л.ПАВЛОВА.

Медведево, Руэм.



Авторын фотожо.

Российысе увер

10-18 ияш ўдыр-рвезе-влак «Правнуки Победителей» шымлыме паша тўнямбал конкурсышко ушнен керттыт. Йодмашым **10 апрель марте** колтыман. Тўрыс уверым pravniki-pobediteley.ru сайтыште савыктыме.

7-35 ияш йоча да самырык ег-влак, «Моя семейная реликвия» всероссийский конкурсышто мастарлыкдам ончыктыза. Сочиненийым возыза але презентаций ден видеофильмым ямдылыза да **5 апрель марте** relikvija2014@yandex.ru адрес дене электрон почтыш колтыза.

4-16 ияш йоча-влак «Кухни народов мира» тўнямбал конкурс эртаралтеш. Кочкышым ямдылымым видеош войзыман, кок фотом ыштыман да **6 март марте** contigorusia@gmail.com адрес дене электрон почтыш колтыман.

Марий Элысе увер

Кажне кумылан ег «Тувиремже пеш мотор» регион-влак кокласе конкурсышко ушнен кертеш. 2-14 ияш йоча-шамычым калык тувыр дене войзыман да mari-centr_konkurs@mail.ru адрес дене электрон почтыш **1 апрель марте** колтыман.

Йоча да самырык-влак «Роза ветров» рўдер 18 ияш марте ўдыр-рвезе-шамычлан «Один миг из жизни спасателя» регионсо фотоконкурсым эртара. Пашам shb-rme@yandex.ru адрес дене электрон почтыш **15 май марте** колтыман.

31 март гыч 3 апрель марте Йошкар-Олаште «Михаил Мурашко йолташыже-влакым ўжеш» тўнямбал конкурс-фестиваль эртаралтеш. Тушко куштымо номерла дене ушнаш лиш. Йодмашым **10 март марте** колтыман. Тўрыс увер – rnmс-rme.ru сайтыште.

Юзо тўняшке корным почса

Ача-ава-влак пытаргыш жапыште йочаштлан йомакым шуэн лудыт. Ораш нимолан, кызыт телевизор дене тынар шуко мультфильмым ончыктат. Но, пагалыме кугыен-влак, шарныза: икшывын мультфильмым шкет ончен шинчымыже йоратыше ача-ава, коча-кова дене пырля йомак тўняште лийме жапым алмаштен ок керт.

Кугыен-влакын йомакым лудмышт (каласкалымышт) – тиде икте-весе кокласе вашкыл, икте-весым умылымаш. Ньюга тендам тўткын колыштеш, изинек палыме да эн лишыл йўк кумылжым савыра. Лудмо годым сўретым пырля ончеда, тўрлө

янык, вольк семын йўк-йўаным луктын кертыва але йомакысе геройлан польшым пуэда. Йомак дене палдарыме годым йочан мутвундыжо пайдаралтеш, шонаш тунемеш, тўткылыкшө вианеш.

Пагалыме ача-ава-влак, икшывыланда йомак тўняшке корным ончыктыза. Тудо пырля эртарыме жапым нигунам огеш мондо. Йоча йомак гоч осал ден сайым ойыраш, поро лияш, енлан полшаш тунемеш. Йомакыште поро осалым эре сеҥа. Осал койышлан, осал пашалан мутым эре кучыман. Икшыве, йомак дене палыме лийын, тидым раш умылаш тунемеш.



«Колобок» йомак почеш
Ксения КОРНИЛОВАН
сўретше.

Волжский, Пётъял.

Йочан ийготшым ончен, йомакым ойырыман.

Эн изи-влаклан «Теремок», «Колобок», «Репка» йомак-влак келшат. 3-5 ияш-влаклан юзо шўлышан йомак («Про Иванушку-дурачка», «Сестрицу Аленушку и брата Иванушку») утларак лишыл. Приключений сынан йомакым («Златовласка», «Илья Муромец и Соловей-разбойник») 5-7 ияш йоча-влак пагалат.

Йомакым чын лудмо нерген ой-канаш:

- ✓ Йомакым лудаш огыл, а каласкалаш тыршыман. Тыгодым йочан койышыжым шижаш лиеш.
- ✓ Йомакым каласкалыме годым вес сомылым ыштыман огыл.
- ✓ Коклан йоча ик йомакымак уэш-пачаш лудаш йодеш. Торешланыман огыл! Йодмыжым шуктыман.
- ✓ Йомакым пырля модын ончыкташ лиеш.
- ✓ Йомакым тыматлын, сылнын, герой-влакын койыш-шоктышыштым почын пуэн лудман.

Психологий да педагогике, медицине да социальный польшым пуышо «Детство» рўдерын педагог-психологшо Л.А.ГЛАЗКОВА ден туныктышо-дефектологшо Н.А.МЕЛЬНИКОВА ямдыленыт.

Шонгыенлан - польш

Волжский район Пётъял школышто тимуровский толкынын йўлаже аралалтын. Тунемше-влак школ пеленысе участкылаште арулыкым эскерат, пўртўсым аралат. «Шонанпыл» йоча организацийын енже-влак шонгыен, туныктышо-ветеран-влаклан



Фотом школ архив тыч налме.

полшат. Нуным пайремла дене саламлат. Оборонно-массовый да военно-патриотический паша месячник жапыште шонгыен-влаклан

лумым куаш полшеныт (снимкыште). Тукумла коклаште вашкыл эре лийшаш. Шонгыенлан порын каласыме ик шомакшат коклан нимо деч шергакан.

Н.ВАСИЛЬЕВА.

Пайдале мультфильм

Мыйын йоратыме мультфильмом – «Ми-ми-мишки». Мультфильм пеш весела да сўрал. Йоча-влак кок маскаиге дене пырля йырым-йырысе тўням шымлат, тўрлө арверым пален налыт. Колым кучаш, пушенгым эмлаш, мўйым кўзаш туныктат. Книгам чын лудмо нерген ойлат. Икманаш, тиде мультфильмын пайдаже кугу.

Полина АЛЕКСЕЕВА.
Морко, Коркатово.

Поро илышым нигө ок пу,
тудым ике ыштыман да
арален моштыман,
вет тудын корныжо
тасма гай тўр да
вияш огыл.

В.ЮКСЕРН.





Поро паша куандара

республикысе, «Школьная классика» всероссийский конкурслаште ончылно лиймыжым шотла. «Окна Победы», «Письмо Победы» акциялашке кажне гана кумылын ушна. Ёмаште кенезым «Импульс» профильный лагерыште изирак группын организатор-инструкторжылан тыршен.

– Мый ең-влаклан полмаш йоратем. Поро паша чоным куандара, кумылым нолта. Йолташем-влак дене тўрлө мероприятийым эртарена. Мутлан, ймаште йоча-шамычым «Форт Боярд» модыш дене модыктенна. Ёдыр-рвезе-влаклан куаным пӧлеклен, ижежат шулдырагына. «Поро паша арам ок йом», – маныт калыкыште. Садлан



Изи ошкыл – кугу сенымаш



поро кумылым ең-влаклан кажне кечын гаяк пӧлеклаш тыршем, – ойла чолга ёдыр.

Х.АЛЕКСАНДРОВА.

Фотом еш архив гыч налме.

– Школьник-влакын российысе толкынышт мыланем волонтер пашаике корным почын, тўрлө конкурсышто мастарлыкым ончыкташ йӧным ыштен, – ойла 3-шо номеран Советский школын 9-ше классыштыже тунемше Мария МАРТЫНОВА (снимкыште).

Чынжымак, Машан сенымашыже шагал огыл. Эн кугу сенымашлан «Здорово, когда на свете есть друзья»

Увер

«Мои герои большой войны» тўнямбал конкурс-фестивальыш 6-18 ияш ёдыр-рвезе-влак ушнен кертыт. Конкурс Кугу Ачамланде сарыште Шочмо элым аралыше-влакым шарнымашлан пӧлеклаптын. Шочмо кундемын, ешын историйышт але герой-влак нерген видеороликым войзаш, сўретым сўретлаш, почеламутым лудаш, мурым йонгалтараш лиеш. Йодмашым да пашам **25 март марте defigeroi.ru** сайтыш колтыман.

Фотом школ архив гыч налме.



Марий Пыламарий школышто «Армейский чемоданчик» акция эртаралтын. Йоча-влак (снимкыште) родо-тукымыштын фотографийыштым, вуйчиемыштым, медальыштым да моло арверыштым арня жапыште погеныт. Кажныжын – шке эртыме корныжо. Ёдыр-рвезе-шамыч класс шагатыште нунын нерген кумылын каласкаленыт. Шарнымаш тукум-влакым уша да ожнысо жапым аклаш тарата.

Л.ЧЕРНОВА.

Марий Турек район.

«Медиа» лишыл

Школьник-влакын российысе толкынышт ий гыч ийыш у кўкшытышкӧ шуэш. РДШ-ым тўвыра, туныктыш алан-влакын ужашышт манаш лиеш. 1-ше номеран Шернур школын тунемшыже-влак тиде толкынышто пашам чолган ыштена. Ме тўрлө акцияышке, конкурсышко ушнена. «Лидер XXI века», «Лига вожатых» конкурс-влакым поснак палемден кодаш кўлеш.

Мыланем «Медиа» направлений угларак лишыл. Мастарлыкемын вяндаш шуко йӧн уло. Мый видео, фото-влакым ышташ йоратем, газетлашке заметке ден статья-влакым серем. Тиде кугу шўкалтышым ышта. Ончыкылык илышемем журналистикке дене кылдынем.

Дмитрий ВЕДЕНЬКИН.

Шернур район.

Синквейн

Салтак

Лўддымӧ, поро.

Служитла, арала, кугешна.

Шочмо элын ўшанле эргыже.

Герой.

Кирилл НИКОЛАЕВ.

Морко, Шўргыял.

Вуйчиём – аралтыш

Шымакш, шурка, сорока, такия, шарпан, нашмак, теркупш – түрлө кундемыште илыше марийыншке вуйчиёмже. Кажныже келге шонымашым арала, еш аралтышлан шотлалтеш. Тачысе кече марте чыла вуйчиёмже аралалтын огыл гынат, марий калыкын тўвыра поянлыкше ынже йом манын, вургемым, йўлам шымлыше ег-влак улыт.



120 ияш такия – еш поянлык

Пошкырт кундем Нуриман район Кугу Шеде ял гыч ака-шўжар-влак Людмила Матюшина (**снимкыште**), Ями-



га Калимуллина да Лидия Яшкузина 2012 ийыште этно-тўвыра рўдерым почыныт, кандаш ял дене кылым кучат. Рўдерыште куымо, йыдалым

пидме, марий тўр пўлка-влак пашам ыштат. Лидия Сабанаевна мастер коча деке йыдалым пидаш тунемаш лўмын коштын. Людмила ден Ямига Сабанаевнамыт йоча-влакым тўрлө арверым ышташ кумыландат, тўрлымө техникым шымлат.

– *Ме Пошкырт кундемысе марий-влакын ожнысо вургемыштым погена, нуньлан у илышым пуэна. Марий ўдырамашын пашажым, йўлажым аклена, арален кодена. Такия, шарпан, марлан кайыме шовыч да моло вургем нерген самырык-влак лан палдарена. Кугезе ко в а м ы н шўдө ияш шовыржым тачат пайремыш чием, а такияже 120 ияш. Таки-*

ян вийже моткоч кугу. Ожно ег, суртыш пурыеке, пырдыжыште кечыше такиям ужын гын, лўдын. Туддене айдемым лупшалат гын, черлана, маньныт, – оила Людмила Сабанаевна.

Ака-шўжар-влакын погымо тоштерыште 1847 ийысе ший окса гыч ыштыме арвер-влакымат ужаш лишеш. Нуриман районысо яллаш коштын, тўрлө материалым поген чумырымо альбомат шерганлан шотлалтеш.

Пермь кундемыште илыше марий-влакын ожнысо вуйчиёмыштым, вургемыштым Г.А.Панькова (**снимкыште**) арала. Кызыт Галина Андреевна такиямшке ышта.

– *Ожно нужнарак ешыште такия кажныжын лийын огыл. Тудым лач сўяныш чиемыт. Марлан кайыше ўдырлан такия ўмбак солыкым пидыктеныт. Тыге ўдырвек ватыш савырнен, – оила кидмастар.*



кыште) муынам. Тудо ешнан аралтышыже, – оила Римма Степановна.

Р.С.Зайцеван чумырымо ончырыште шўдө ияш, 50-60 ий ончычсо вуйчиём-влак аралалтыт.

Ойыртемалтше, тўрлө тўрлеман вуйчиём-влакым ончен, марий калыкын эртыме корныжо лудалтеш.


Е.ИВАНОВА.

Авторын фотожо-влак.

Сандалык дене кыл

Советский район Шуймучаш ялыште илыше Р.С.Зайцева тошто марий вургемым, вуйчиёмым тоштерыш чумыра.

– *Мыйын шоньмаште, шымакш скиф калыкын йўлаж гыч лектын. Нуно, шуркам иземден, шымакшым ыштенят. Капюшон семын лийын маньмат колынам. Тудым пўрвекат, ўдырамашат чиемыт. Вара вуйчиёмым тўрлө тўр дене*



*сўрастараш тўжалыныт. Тидын шотышто тўрлө шоньмаш уло: ик могойрым – кошар вуйжо сандалык дене кылым кучымым ончыкта, вес вельым – пўртла коеш. Сандене ожнысо вуйчиёмыште тўрым пўрт семын тўрленят, а пўрт сандалыкыш ончен. Шукерте огыл тошто пўрт тувырашыште азан вуйчиёмжым (**сним-***

Пий тушман огыл



Ныл йолан йолташна

Редакцийышке Екатерина Н. (Звенигово район) деч йодыш пурен: «Эргымым изи улмыж годым пий пурлын. Шжеже ныл йолан йолташым огына ашне. Кызыт 10 ияш гынат, моткоч лүдеш. Пийым ужомеке чытыраш тўналеш. Кузе лып-ландараш лиеш?»

Калыклан психологий ден педагогике да социал польышым пуышо «Доверие» республикысе рўдерын психолог-педагогшо Т.СОЛОВЬЁВА икмын-яр ой-кагашым пуа:



Уремысе пий дене шкем кузе кучаш?

- ➔ Ида курж.
- ➔ Шинчашкыже ида ончо.
- ➔ Пий дек туп дене ида савырне.
- ➔ Лап ида лий.
- ➔ Ида кычкыре.
- ➔ Кидым ида лупшо.

– Лүдмаш иканаште огеш мондалт. Тиде йодышым вигак рашемдаш ида вашке. Йочан пий дек лишемаш кумылжо уке гын, виеш ида ыштыкте. Пий-влак нерген шукрыак каласкалыза, поро ойлымашым пырля лудса, кином ончыза. Йөн уло гын, ончырыш миен толза. Тушто шкем кучен моштышо, ушан пий-влак улыт. Йочан көргө чон дене ямде улмыжым шижмеке, изи пинегым налаш темлыза. Келша гын, налза. Икшыве пинеге дене модаш, тудым пукшаш тўналеш. Тыге йоча лүдмым эркин-эркин чарна.

Х.АЛЕКСАНДРОВА ямдылен.

Пушок – тракторист



Фотом еш архив гыч налме.

Пырысигын модмыжым ончаш пеш йоратемат, Нина ковам пошкудо деч изи моклакам нумал кондыш. Пунжо нугыдо, мамык гай. Тудым Пушок манын лүмдышым. Изиракше годым модаш йората ыле, а ынде суртышто чыла вере шуэш. Эсогыл техникымаат шергалеш. Икана гаражыште ачамын тракторыштыжо мален кия ыле.

Вескана рульышкак күзен шинчын. Тидыжым йыштак ыштыме фотосүретем дене ончыктем. А тендан пырысда могай?

Даша СОШИНА.

Морко, Купсола.

Царапка

Мыйын Царапка пырысем уло. Кажне кечын школ гыч пörтылмем омса воктене вуча. Урокым ыштыме годым воктенем шинча. Кастене коктын модына, малашат воктекем возеш.

Валерия ШУТЫЛЕВА.

Кужэнгер, Конганур.

Латкок кролик

Мый кроликым ончаш йоратем. Кызыт латкокытын улыт, а ондакше кумло мартеат шуын. Чылаж годым ончен ом шуктат, ачам вўтам

эрыкташ, пукшаш полша. Кролик-влаклан эре яндар вўдым шындыман, кинде катышым, пырчым пуэна. Но утларакше кешырым да ковышта лышташым йоратат.

Алёна ИВАНОВА.

Морко, Арын.

Мутым кучена

«Мы в ответе за тех, кого приручили» мероприятийым школышто эртаренна. Биологийым туныктышо Л.И.Фоминных кажне класслан заданийым пуэн. Кугурак класслаште тунемше-влак сценкым модын ончыктеныт, Йошкар книгашке пуртымо янлык-шамыч нерген каласкаленит. Шала коштышо пий деч аралалтме нерген умылтареныт, ялысе калык дене вашлийын мутланеныт, иктешлымашым ыштеныт. Изирак-влак мурым муреныт, плакатым сүретленит.

Ксения НАГОРИНА.
У Торъял, Токтарсола.

Ушан Ричи

Пошкудемян пийжын лүмжө – Ричи. Лизалан Надя кокаже изи пийым пöлек шотеш конден. Тудын урлыкшо – померанский шпиц. Шўрым, пучымышым кочкаш йората. Модыш дене модеш. Озаже иктаж-кушко кая гын, ойгыра: окна янакыш кўза да толмыжым вуча. Пеш ушан пий. Лиза тудым мушкеш, шереш. Ричин эсогылшке малыверже уло. Мыят коклан модаш мием (снимкыште).

Марина СТЕПАНОВА.

Волжский, Упшер.

Фотом еш архив гыч налме.



Ўярням вучем

Ўярня пайрем толмым шижын, ковамын конгасе мелнажым кочмем шуын колтыш. Телым мелна утларак тутлын чучеш. Мый муй але умбал дене кочкаш йоратем. Ўярня толмеке, ковам деч кажне кечын конга мелнам йодаш тўналлам. Ик кечын – коман-мелнам, вес кечын – шўрашан мелнам.

Ксения ИВАНОВА.
Звенигово, 2-шо номеран
Красногорский школ.



Изи озавате

Вичкыж мелна

Кўлыт: 0,5 литр кўчимдорык, 200 грамм шолшо вўд, кок муно, пел изи совла шинчал, ик кугу совла сакырложаш, ик изи совла содо, кок кугу совла кушкыл ўй, ложаш.

Кўчимдорыкым изишак ырыктена. Тушко шинчалым, сакырложашым, кушкыл ўйым, муным пыштена, изиш ложашым ешарена да руашым лугена. Шолшо вўдыш содым пыштена. Ты вартышым руашыш опталына, ложашым ешарена да кўэштына. Мелнам ушкал ўй дене йыгена.

Рекламе.

М.Шкетан лумеш Марий кугыжаныш драме театр

МАРТ

1 кш	18:00	АЧИЙЖАТ-АВИЙЖАТ / Эх, роитем...	М. Шкетан	12+
3 кш	11:00	КАПИТАНСКАЯ ДОЧКА / Мозгачине в одном аэриэтин	Евгений Шабалин	12+
3 кш	12:00	ОСКАР / Луунок жонкедиз	Евгений Шабалин	12+
5 кш	16:00	ТОРЕШВАТЕ / Украшение строптивой	С. Поговцев	12+
6 кш	11:00	КУМ АКА-ШҮЖАР / Йомак	В. Поговцев	12+
6 кш	16:00	ЧЕЛОВЕК ИЗ ПОДОЛЬСКА / История одного человека	А. Давыдов	12+
8 кш	16:00	МОГАЙ МЕ ТҮРАӨ УАЛЫНА / Пайрем концерт / Девушки бывают разные...	М. Шкетан	12+
10 кш	18:00	ЭАНЕТ / Драмэ	С. Чарвайн	12+
11 кш	18:00	УДЫР ТАЛАН САЙ ПЕЛАШ / Кудуман	В. Красногорск	12+
12 кш	16:00	ОСКАР И РОЗОВАЯ ДАМА / Пындам болу	Э. Шенет	12+
17 кш	18:00	ЙЫВАН КЫРАА. ПУТЁВКА В ЖИЗНЬ / Документальный драме	С. Поговцев	12+
18 кш	18:00	СНЕГУРОЧКА / Агрингская комедия	А. Островский	12+
19 кш	18:00	ТЕБЕ КУШТО ИАШЕТ! але Маринет-влак / Вот где жизнь! нем Маринет	Э. Аюпова	12+
23 кш	16:00	FOLKS / Сказка народных мифа	БТВ С. Поговцев	12+
26 кш	15:00	ТОРЕШВАТЕ / Украшение строптивой	БТВ С. Поговцев	12+

КАССЕ (8362) 78-13-78 SHKETAN.RU

Поездла койына



Фотом еш архив гыч налме.

Телым пеш йоратена. Каныш кечылаште ме, йоча-влак (снимкыште), шунын погынена. Курык гыч ватрушко дене мунчалтена. Икте почеш весе волена – поездла веле койына. Куанымына дене кычкырена. Йўкна торашке шергылтеш.

Надя СЕРГЕЕВА.

Морко, Шўргыял.

Пургыж тылзын

Окнаш ончалын, чылт 6рам: Мардеж тарванымым колам. Мура, шўшка, чўчка поран Да лўдыкта мемнам молан?

– Кузе гын тудым шогалташ? – Чонем тўнале вургыжаш. Трук нойыш чылт сур пире гай. Шып лие эркын – пешак сай.

Эрдене эр окнаш ончем: Огеш лий угыч ошкылаш. Энерым ийын чылт вончем! Эх, кольмым кидышке налаш...

А мый ом лўд, лектам уремьш, Ыштен кертам шке корнемат. Кўнчем йолгорным ош коремьш, Шып колыштса мурымемат.

Юля ВАСИЯРОВА.
Советский, Кодам.

Электротулым аныклыза

Электроприбор-влакым розетке гыч луска. «Малыше» электроприбор-влак шуко тулым «кочкыт». Мутлан, телевизор 1 шагатыште 10 Вт куатым пытара, компьютер – 80 Вт.



Йыван
литератур
дене
олимпиа-

дыш толын.
– Имне лий дене сочиненийым возыза.
– Мишишиго-го. Фрррр-фрррр. Ыгыдык-тык-тык. Чоооо.

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rfp

УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.

Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийышытыже регистрироватлыме.
Номер – ПИ № Ту52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тўрл6 лийын кертыт. Серыш-влак м6нгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый Вийын 70-ше идалькше урем, 20-шо п6рт.
Тел. 8(8362) 45-22-82(факс)

Конкурс

Юзо теле да мый



Артём ЧЕНДЕМЕРОВ.
У Торъял, Кўанпамаш.



София ден Есения САЖИНАМЫТ.
Волжск ола.



Игнат ЕЛЬМЕКЕЕВ.
Йошкар-Ола.



Тельняшкан мынар салтакым ужда?

Кок танкистым палыза.


Генералым муза.

Шотлыза:

5 +1 <input type="text"/>	6 +5 <input type="text"/>	5 +4 <input type="text"/>	3 +9 <input type="text"/>	7 +2 <input type="text"/>
---------------------------------	---------------------------------	---------------------------------	---------------------------------	---------------------------------

Сўретыште чылаже мынар лыве?

Ужарге	Нарынче	Йошкарге	Шемалге-канде
<input type="text"/>	<input type="text"/>	<input type="text"/>	<input type="text"/>



Палаш онгай

Ожно ег-влак, шўдырым ончен, корным куштылгын муыныт. Кечывал жапым палаш кече полшен, кастене але йўдым – Коркашўдыр. Кавасе тўн волгалтарышылан кече шотлалтын. Тудым кугыжа маныныт. Фольклорышто кече айдемыла сырен, ойгырен мошта.

В.СМИРНОВ ямдылен.

Интернетысе сўрет-влакым кучылтмо.